

ما-زغ-راد-يکساضع؟ 27

- 1 ربي ايگنان تيفاوت-ينو ءولا انجام-ينو.
ما-زغ-راد-يکساضع؟
ربي ايگنان لبرج-ينو ءيحضو تودرت-ينو.
ما-را-يبي-يسود؟
- 2 واخا-د-وشکان کار مدّن ا-يبي-هلکن،
راد-عترن ضرن ءينوآشن-ان.
3 د-واخا-يبي-سوتلن ايت-يمیغ گوتنن،
ءور-را-يکسااض-وول-ينو.
واخا-د-کولو-غلین س-ووزال د-يمقلاد،
ربي ا-س-ا-تزعامغ.
- 4 ضالبغ زغ-ربي غير يات-تغاوسا.
غير نتات اد-ريغ.
ضالبغ-اس-اد-زدغ غ-تگمي-نس تامرلايت
کولو ما-راد-سولغ،
لهوغ س-ما-ت-يرضان غ-يلیغ ءيلا نتان،
ءيسانغ تاميمت-نس.
- 5 را-يبي-يحضو ربي غ-دو-تدولي-نس
غ-وزمز ن-تنوکموت.
راد-بدا-يبي-يسنتال غ-ونتال-نس ءيزگان،
ءيگ-يبي-ن-ف-وجاريف ياتوين لامان،
يال ءيخف-ينو ف-ويلي-يبي-سوتلنن.
6 راد-تمجادغ ربي س-لفرح ءيگوتن،
ساکمورغ-اس-ن تيوافکيو غ-ونتال-نس امثلاي،
اسیغ امارگ ايريرغ ءي-ربي.
- 7 سفلد-يبي-ا-ربي، هاتي غريغ-اک-ن.
حنو فلا تعاونت-يبي.
8 تنيت-يبي-ا-ربي «اکمور-د تيسانت-يبي.»
هاتي کبي ا-س-ريغ-ان-اکمورغ-ا-ربي.
9 ا-ور-تووريت تاگوت-ن زغ-کيکي.
هاتي کبي ايگان لعوان-ينو.
ا-ور-يبي-تاگيت تبزگت فلا تفلت-يبي.
هاتي کبي ايگان انجام-ينو.
- 10 ءيغ-يبي-اک-يفل بابا ءولا ءيمي،
هاتي کبي ا-ربي را-يبي-بدا-تيريت.
11 مل-يبي-ا-ربي ما-کيکي-تقصادت،
تگودت-يبي بدا غ-وغاراس ياستوان،
ا-ربي-تسينيفت ءي-ويلي-يبي-تکرونيين.
12 ا-ور-يبي-تفلت غ-وفوس ن-ينوآشن
لي-فلا-سکيرکيسنين ا-کيکي-رگمن.
13 ءومنغ ءيس-راد-زرغ غ-تودرت ن-دونيت-اد
لباراکا ن-ربي.
- 14 امر غيلاد غ-ربي، تسدوست ءول-نک.
تکلت بدا ف-ربي.